

مکرمات

ادبی و سیاسی رسالهٔ اسبوعیه در

۳۱ نجی سنه

۱۶ ربیع الآخر ۱۳۳۰

پنجشنبه

جزء عدد : ۱۴۰

(قارتاژ) و (مانوبا) سفینه لرینه ایتالیا نلرک

تجاوزینه مشابه بروقهء تاریخیه

ایتالیا نلرک ، بری طرابلس غریده کی مجاهدینه طیاره سوق ایتدیکنی ، دیگریده هلال احمر هیئت نام مستعارنی طاقمش عثمانلی ضابطاتی حامل بولندیغنی اسناد ویهانه ایدمرک ایکی فرانسه واپورینی توقیف ایله ایتالیا لیمانلرینه گوتورملری اوزرینه فرانسه حکومتک پروتستو ایتدیکی وحادثه بر مسئلهء سیاسیه شکلی آلهرق فرانسه پارلماننده اولدقجه مهم مباحثاته سبب اولدیغنی غزته لرده اوقونمشدی .

مباحث واقعه ، موسیو (هیبولیت لاروش) ، (آمیرال بی نئم) و موسیو (گرتی به) نامنده اوچ مبعوث طرفندن ایتالیا نلرک تجاوزلرینه قارشى فرانسه حکومتجه نه کبی تشبثاتده بولونیله جفته دائر رئیس وکلا و خارجیه ناظری موسیو (یو آن قاره) به ایراد ایدیلان سؤاللر اوزرینه جریان ایتمش و گرك بو اوچ ذات طرفندن معرض استیضاحده سرد اولنان افادات ، گرك آنلره جواباً موسیو (یو آن قاره) نك اعطا ایلدیکی ایضاحات دیپلوماتلر مزجه پك زیاده حائر اهمت و حین حاجتده سند انخاذیله اقامه مدعیات و مطالباته مساعد برماهیق حائر بولنمشدر . شایان تأسفدرکه فرانسه مجلس مبعوثاننك بزه شدت تعلقی اولان او جلسه سنده جریان ایدن مذاکراتی ، غوائل داخلیه مزك دغدغه شمتاخیزانه سنه وقف صحائف ایدن غزته لر مز عیناً نقلنه وساطت ایدوبده گرك رجال حکومتدن ، گرك اصحاب مطالعهدن فرانسه لسانیه اتنسابی اولمیان ذواتك انظار انتباهنه عرض ایتمکی وظیفه ایدمیدیلر . حتی او مذاکرات صره سنده بالخاصه موسیو (یو آن قاره) طرفندن

حکومت نامنه واقع اولان بیاناتک بعض نقطه لری اورتیه جالب دقت و حق مآلندن بحث ایستدیکی و نائق رسمیه اؤقدر حاز قیمت در که او مذاکراتک ولو خلاصه اولسون نقلنه مجموعه مزک حجم و مسلکی مساعده ایده مامسنه بزده متأسفر .

بوراده موضوع بحث ایتک ایستدیکمز نقطه ایسه موسیو پوآن قاره یه ایلک سؤالی ایراد ایتک صورتیه مذاکره یی کشاد ایتمش اولان موسیو لاروشک ، ایتالیا نلرک حرکت تجاوز کارانه لرینه مشابه اوله رق و قتیله ظهوره کلمش بر حادثه حقنده کی ایضاحاتیدر، که تاریخ حقوق دوله عائد اولسی اعتباریه مجموعه مزه نقلی فائده لی عد ایلدک .

موسیو لاروشک ایتالیا نلرک حرکات جراثکارانه لرینی شدتله استقادده بولندقدن صکره دیمشدرکه :

« شو ویردیکم ایضاحاتندن ده مستبان اولدینی اوزره ایتالیا نلک بو حرکتی تمامیه حقوق و قوانین مرعبه دوله تجاوز ماهیتی حازدر، که بویه بر حالک شمیدی به قدر بزم تاریخمزده امثالی سبق ایتماشدر . یالکز همجوار بر دولتک تاریخ سیاسیسنده اولدقجه قریب بر زمانده بوکا مماثل بر وقعه جریان ایتمشدر .

۱۸۶۱ سنه سی تشرین نایسنده آمریکا هیئت متحده سنی تشکیل ایدن شمال و جنوب حکومتلری آرمسنده (لغواسرا) ماده سنندن طولانی اعلان ایدیلان حربدن براز صکره حکومت جنوبیه به منسوب (مازون) و (شلیدل) نامنده ایکی ذات مأموریت مخصوصه ایله انکلتزه عزیمت ایتک اوزره (کوبا) جزیره سنک (هاوانا) لیمانندن (ترانت) نامنده برانکلیز سفینه سنه راکب اولورلر .

حکومت شمالیه بو ایکی ذاتک عزیمتدن خبردار اولدینی جهتله (ترانت) سفینه سنک تعقیب ایده جکی یول اوزرینه برزهرلی گوندیره رک انکلیز کمیسنی توقیف ایدر . و زهرلی مرتباندن ترانته سوق ایلدیکی بر مفرزه عسکریه ایله (مازون) و (شلیدل) ی طوتدروب زهرلی به نقل ایتدیرر .

بووقعه لوندیره عکس ایدرایتمز ، انکلتزه دولتی، حکومت شمالیه به گوندردیکی

شدید المأل (اؤلتیماطوم) ده توقیف ایدی لان ایکی جنوبلینک اعاده سی ایچون سکز
گون مهلت ویردیکنی و عکس تقدیرده ایسه درحال اعلان حرب ایدم جکنی
بیلدیرر .

حکومت شمالیه ایسه ، انکلترونک بو طور عز مکارانه سی قارشیسنده سرفرو
ایتمکی موافق حال کوره رک توقیف ایدیکی جنوبلیلری اعاده وتسلیم ایله برابر .
زرهلی قومانداننک بو حرکتی خلاف تعلیمات اجرا ایلدیکنی مقام اعتذارده بیانه
مجبور اولمشدر .

موسیو لاروش تاریخه مستند بولان بو ایضاحاتی اعطادن صکره ، فرانسه نلک
محافظه وقع وحیثیتی ایچون عثمانلی موقوفلرینک سریعا تخلیه واعاده اولنلری لزومنه
دائر افادانده بولنمشدر ، که مسرودات واقعه شایان تطبیق واستفاده بر چون نقاط
مهمه بی حاوی اولدینی حالده آنلرک نقلنه مجموعهمزک حجمی مساعد اولمدیغنی
تکرار ایدرز .

